

Na osnovu provedenog postupka u skladu sa Zakonom o javnim nabavkama Bosne i Hercegovine, ("Službeni glasnik BiH", broj 39/14), a po Konkurentskom zahtjevu broj: 05.12.100-1232-2/17 od 17.03.2017. godine, te Odluke o izboru najpovoljnijeg ponuđača Direktorice Zavoda za javno zdravstvo Kantona Sarajevo broj: 05.12.100-1232 Odluka o izboru /17 od 30.03.2017. godine, kojom je prihvaćena Ponuda ponuđača „Guma M“ d.o.o. Mostar, kao najpovoljnija i kojom se ponuđaču „Guma M“ d.o.o. Mostar dodjeljuje Ugovor za nabavku i isporuku teretnog motornog vozila, za potrebe JU Zavoda za javno zdravstvo Kantona Sarajevo, zaključuje se sljedeće:

J.U. ZAVOD ZA JAVNO ZDRAVSTVO KANTONA SARAJEVO, ulica Dr. Mustafe Pintola broj 1/III Ilidža - Sarajevo, identifikacioni broj: 4200329950003, koga zastupa Dr med. sci. Snježana Balta, primarius, direktor (u daljem tekstu: Ugovorni organ)

i

„**GUMA M“ d.o.o. MOSTAR**, ulica Bišće polje bb, identifikacioni broj: 4227111640008, koga zastupa Dražan Herceg direktor, (u daljem tekstu: Prodavac), zaključili su:

UGOVOR O NABAVCI I ISPORUCI TERETNOG MOTORNOG VOZILA

Član 1.

Predmet ovog Ugovora je kupoprodaja novog teretnog motornog vozila marke DACIA DOKKER, za potrebe Ugovornog organa, a prema ponudi Prodavaca br: 138-03/17AK od 20.03.2017.godine, koja je sastavni dio ovog Ugovora.

Član 2.

Ugovorni organ naručuje, a Prodavac prihvata da izvrši isporuku teretnog motrnog vozila za potrebe JU Zavoda za javno zdravstvo Kantona Sarajevo, a na osnovu provedenog Konkurentskog zahtjeva za dostavu ponude i Odluke o izboru ugovornog organa o dodjeli ugovora.

Član 3.

Ugovorni organ i Prodavac su suglasni da Ugovor realizuju prema već definisanim uslovima u Konkurentskom zahtjevu za dostavu ponuda i to :

- (1) Ugovorni organ prema zahtjevima u Tenderskoj dokumentaciji, broj. 05.12.100-1232-2/17.
- (2) Prodavac prema dostavljenoj ponudi i dokumentaciji sa preciziranim ponudnim uslovima u prijavi na Konkurentski zahtjev.

Član 4.

- (1) Ugovorena ukupna cijena novog teretnog motornog vozila iz člana 1. ovog Ugovora iznosi 23.517,00 KM sa PDV-om i ista je konačna.
- (2) Ugovorni organ dužan je izvršiti plaćanje nakon isporuke vozila, po ovom Ugovoru u domaćoj novčanoj valuti u KM (konvertibilnoj marki), u roku od 30 (trideset) dana, od prijema fakture .

Član 5.

- (1) Prodavac se obavezuje da će u skladu sa članom 1. i 2. ovog Ugovora izvršiti isporuku vozila propisane specifikacije i kvaliteta u roku do 60 dana od momenta potpisa Ugovora, u skladu sa Konkurentskim zahtjevom za dostavu ponude i prihvaćenom ponudom Prodavaca.
- (2) Isporuka vozila je na adresi Ugovornog organa, dr. Mustafe Pintola 1/III, Ilidža.
- (3) Ugovorni organ utvrđuje garanciju, безусловnu bankovnu garanciju za dobro izvršenje posla na iznos od 10% (desetposto) od vrijednosti ugovora u iznosu od 23.571,00 KM - sa periodom važenja, rok izvršenja ugovornih obaveza (rok isporuke +garantni rok+ 60 dana), naplativom na prvi poziv.
- (4) Ukoliko ne nastupi niti jedan od slučajeva koji bi zahtjevao realizaciju garancije za dobro izvršenje posla, Ugovorni organ vrši povrat sredstava/dokumenta koji predstavljaju garanciju.
- (5) Ako prodavac prekrši ili ne izvrši odredbe istog, Ugovorni organ će izvršiti raskid Okvirnog sporazuma i nakon toga realizirati bankovnu garanciju.
- (6) Prodavac je dužan dostaviti безусловnu bankovnu garanciju za uredno izvršenje Ugovora u roku od 8 (osam) kalendarskih dana od dana obostranog potpisivanja Ugovora.

Član 6.

- (1) Prodavac se obavezuje da će nabavku i isporuku vozila izvršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta isporučеног vozila.
- (2) Kvalitet se utvrđuje prilikom primopredaje teretnog motornog vozila, što se potvrđuje potpisom ovlaštene osobe Ugovornog organa i Prodavaca na računu i otpremnici.
- (3) U slučaju kašnjenja u isporuci roba, do kojeg je došlo krivicom Prodavaca, isti će platiti Ugovornu kaznu u skladu sa Zakonom o obligacionim odnosima u iznosu od 1% ukupne vrijednosti narudžbenice po kojoj je došlo do kašnjenja (i u slučaju djelimične isporuke – kašnjenja, kamate se obračunavaju na ukupnu vrijednost narudžbenice), za svaki dan kašnjenja do urednog ispunjenja, a najdalje 10 kalendarskih dana s tim da ukupan iznos ugovorene kazne ne može preći 10% od ukupne vrijednosti narudžbenice.
- (4) Odabrani Ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od strane Ugovornog organa, u protivnom Ugovorni organ će umanjiti fakturu za navedeni iznos.
- (5) Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje Prodavac nije mogao uticati niti ih predvidjeti.
- (6) Ukoliko Prodavac na bilo koji način neuredno ispunjava preuzete ugovorne obaveze, a naročito u pogledu kvaliteta, kvantiteta roba i utvrđenih rokova, Ugovorni organ će raskinuti Ugovor i pozvati bankovnu garanciju, sa pravom naknade troškova mogućeg nastanka štete zbog neispunjenja Ugovorne obaveze.

Član 7.

Prodavacu se postavlja uslov da nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi tenderske dokumentacije, ili su bila u svojstvu člana ili stručnog lica koja je angažovala Komisija za javne nabavke, nadležna za dodjelu ovog ugovora, najmanje šest mjeseci po zaključenju ugovora.

Član 8.

Garancija proizvođača na isporučeno putničko motorno vozilo je 3 (tri) godine na motor ili 100.000 (stotisuća) pređenih kilometara, 6 (šest) godina na karoseriju na pohrđavanje i 3 (tri) godine na lak od dana isporuke.

Član 9.

Prodavac se obavezuje da po potrebi obezbjedi originalne rezervne dijelove i servisiranje teretnog motornog vozila u garantnom roku, shodno članu 10. ovog ugovora.

Član 10.

(1) Ponuda Prodavaca broj 138-03/17AK od 20.03.2017.godine na temelju koje je sačinjen ovaj ugovor, čini sastavni dio ugovora.

(2) Plan održavanja automobila koji uključuje troškove redovnog servisiranja vozila u garantnom roku iz Ponude prodavaca čini sastavni dio ugovora.

Član 11.

Ovaj ugovor se zaključuje na određeno vrijeme, a prestaje važiti nakon izvršenja isporuke teretnog motornog vozila, a najdalje do isteka garantnog roka i postupanja Prodavaca po eventualnim primjedbama ugovornog organa, u pogledu nedostataka vezanih za kvalitet nabavke.

Član 12.

U slučaju eventualnih sporova, ugovorne strane obavezuju se da sporove riješe mirnim putem, a u slučaju da se spor ne riješi mirnim putem, za rješenje spora mjesno je nadležan Sud u Sarajevu.

Član 13.

Svaka od ugovornih strana može otkazati ovaj ugovor pismenim putem uz otkazni rok od 15 (petnaest) dana iz svih razloga propisanih Zakonom o obligacionim odnosima.

Član 14.

Za sve što nije regulisano ovim ugovorom, primjenjivaće se odredbe Zakona o obligacionim odnosima.

Član 15.

Ovaj ugovor stupa na snagu danom potpisivanja obje ugovorne strane.

Član 16.

Ovaj ugovor je sačinjen u 4 (četiri) istovjetna primjerka, od čega svaka ugovorna strana zadržava po 2 (dva) primjerka.

“GUMA M” d.o.o.MOSTAR

DIREKTOR

Broj: 31-100 /17
Sarajevo, 19.04.2017.godine
Mostar,

J.U. ZAVOD ZA JAVNO
ZDRAVSTVO
KANTONA SARAJEVO
DIREKTORICA

Dr med. sci. Snježana Balta, primarius

Broj: 05.12.100- 1232-Ugovor /17
Sarajevo, 17.04.2017.godine